

敘州府志卷七

水道

梁域巨川惟汶與瀘雙虬蜿蜒滙郡東隅禹迹既邈
桑經可稽略遐詳邇訪瀆搜渠周而不備將為酈譏

述水道第五

岷江

節水道
提綱

大江源出四川松潘衛邊外西番地之岷山羊膊嶺
有二源北源曰岡出阿林水從東麓東南流南源曰
那哥多母精阿林從南麓南流曲曲二百餘里東流
北源自西北來會又東流折而東南入邊界黃勝關

敘州府志卷七

水道

一

至漳臘營西有一小水東北自邊外入弓楨口來注
之又南經松潘衛東有東勝河自東來注之折東南
流有牕河自西北來注之又南流經歸化堡西有雲
長溝自東北來注之又南經北定關西左受二小水
右受一小水南經平番營西又南至靖夷堡西左右
各受一水又南經平定關普安堡疊溪營至長甯堡
西有黑水河自西北來會亦岷江別源也折東南流
經堡南又東南有黑水寨河自西來注之又東南左
受一小水至魏門關南有小水自東北來注之折西
南流經茂州城西北又西南有白水河自東南來注

之又西南一小水自北來注之又西南經威州城西
北有保縣水自西北來注之經城西而南有大溪口
水自東來注之又西南有登溪自北來注之又南流
經汶川縣城西又西南有草坡河自西北合三水來
注之又東南經娘子嶺左受一小水南流至灌縣西
北境有納凹河西北自邊界大雪山東南流二百里
來會又南有三江口河西北自邊界龍池合數水東
南流二百數十里來會江流益盛二水亦古所指別
源也江水折東流經尤溪口又東經玉壘山有白沙
河東北來注之折而南曰灌口經縣城西曰湔江亦

敘州府志

卷七

水道

二

曰都江卽古離堆地江至此分爲二派支渠縱橫其
南流者正流也其東流經郫縣新繁成都新都金堂
南經簡州資陽資州富順至瀘州復合者沱江也正
流南二十里又分二派東南流曰黑石河又南有支
渠與西流通又南經崇慶州東爲白馬河其西派南
數十里有小水自西北來會經白塔山東而南又分
二派一派東南流經州城西曰西河又東南流而白
馬河自東北來會又東南曰白西河有自溫江縣西
分出之羊馬河自東北來會經新津縣城東北有金
馬河自東北來會南流經城東而南有崇慶州西北

所分之西南派南流又分二支東曰溪水河西曰乾溪河者東南復合至縣城南會大邑邛州蒲江三水來會稍東沱江支渠曰石魚河楊柳河俱北自温江來會南流江心有石灘又南左受一小水又東南沱江支渠曰新開渠東北自府城南合黃龍溪水西流來會又南經彭山縣東有蟠龍山水自西北來注之又南經眉州城東臨驀頤津有二大洲又南折東南流有水自西北來注之又西南流有水自東北來注之又南經青神縣東南左受周家山水右受丹稜之新磨河又南右受金牛河又南出重山西南至嘉定

敘州府志

卷七

水道

三

川上三

府東北左右各受一水南經府城東南有陽江西自大渡河東北經峩眉台北來之青衣水東流繞城南來注之又東南流至犍爲縣北境有四望溪合數小水自東北來注之曰溪口稍南有小水自南來注之又東南流有羅葉溪自西來注之又東南經縣城東北而南有水自東北來注之又有清水溪西自馬邊營來注之

原注溪行三百里

通志江源引蜀水經云江水又南受清水溪溪出馬邊廳南烟峯堡東經廳城北又經屏山縣西北

受峽溪龍盤溪又東受楊溪漏眼溪又東北入江
又南有大沐溪自西來注之

原注卽沐川司南水

通志江源溪出屏山縣沐川司北夷都山

按大江自此入宜賓界大沐溪在宜賓治西北
二百二十里源出老君山中大坪汎左有二源
一歷沐川場一歷大柵壩二水會流又東北經
鐵爐寺場行一百八十餘里至宜賓界入大江

據蔡鍾
任採册

折東南流有龍溪自西南來注之

敘州府志

卷七

水道

四

屏山縣志大龍溪源出老君山與小龍溪細河溪
合至馬草鄉箭板場與宜犍三交界由宜賓龍溪
口入江

按龍溪在宜賓治西北二百里源出老君山中
大坪汎前東北流九十里至屏山龍華寺場尾
與分水嶺別源合曲折行三十里至宜賓商州
場五郎沱有大龍洞水注之又曲折流五十里
至箭板場始通舟楫又二十里至龍溪口入大
江一名箭板河蜀輶日記謂箭板河卽沐源川
誤又按宜賓治西北一百六十里西岸有蔭溪

場一呼脚溪場左一溪由皇天頂即太發源曲折流

九十餘里至蕨溪場入大江上距龍溪入江處

四十里此溪縣志及通志皆不載據蔡鍾任採册

又東南其東岸有水三自東北來注之

按東岸有泥溪泥溪越溪泥溪在月波驛泥溪出泥溪場源最短惟越溪最大

〔寰宇記〕越溪去歸順縣四十里流入榮州旭川縣界

〔舊通志〕越溪發源簡州山中歷仁壽并研至榮縣之牛潦橋始通舟楫七十里為越溪山秀水清居

敘州府志

卷七

水道

五

民樸厚春時兩岸紅綠可愛不假人工有天然之樂隱者嘗卜居焉以其道險而鄉遠也俗呼為登頭溪下入大江

通志原按簡州仁壽并研皆去郡界甚遠考輿圖亦無此長流之水蓋府西北山谷中出者舊志誤

又有真溪河自西北來注之

〔通志〕在宜賓縣西北黃庭堅云州西北百二十里有真溪源出匍山東流至富順界入江有姓真者居之故名今有真溪驛

通志原按輿圖此水東流不經富順其北爲龍溪
又北爲沐川皆東入江

按真溪在宜賓治西北一百二十里溪有二源

一出大老君山發脈之分水嶺曲折流一百餘

里至真溪場一出三臺寺

山經小老君山麓至

真溪場二水合流數里入大江

據蔡鍾任採册

又東南經敘州府治宜賓縣西北境之朝陽崖下

〔蜀水經〕江水東南受蘇波溪溪源出赤巖山北

原注

赤巖山謂之朝陽崖色赤如霞

〔蜀輶日記〕紅崖寺石壁爛若朝霞一名赤崖古鹽

敘州府志

卷七

水道

六

漑灘也華陽國志楚道有兵欄神作大灘李冰燒
之故崖有五色魚從楚來至此而止畏崖映水也

又東南經府城北又東南金沙江合鴉礮江諸水西
南自馬湖來會於是江流大盛矣

金沙江

金沙江卽古麗水亦曰繩水亦曰犁牛河番名木魯

烏蘇岷江最上源也出西藏衛地之巴薩通拉木山

東麓山形高大類乳牛卽古犁石山也東北流折而

東南又東北流凡三百餘里其西北一源最遠出巴

薩通拉木之西五百里山曰勒斜爾烏藍達普蘇阿

林水曰喀七烏蘭木倫東南流曲曲凡九百里東流來會又東北流其南一源出拜都嶺北流曰拜都河自南行三百里來會水勢始盛三源既合東北曲曲流有阿克打木河合二水自南來注之北流稍折而西北有托克托乃烏藍木倫自西北九百餘里曲曲流來會又北百餘里折而東流又東南有波羅必拉會枯藍諸水自南來注之又北而西北折向東流有洞布倫山左右二水北流合而來注之又東百餘里至那木唐龍山北孤羅板波羅濟山之西南始折東南流有土虎爾河及烏捏河自南合諸水來注之又

東南屈曲流有那木七圖烏藍木倫西北自巴顏哈拉得里奔山東南曲流八百餘里折西南來會又東南流折而西南又南歧爲數派二十里復合東南有濟渡又東流有枯枯烏蘇東北自巴額喀喇西倫衣山來注之又東折而西南有小水自西來注之又南歧爲二派三十里復合南流左受一小水當殷得勒圖西勒圖山及特門烏朱山之西南麓有水東自古爾板圖爾哈圖山合諸水來注之此水源隔山之東南卽黃河源也折南流有水自西來注之又南百里有水自西南來注之又東南折而東有池水自東北

來注之又東南有水自西南來注之又東折而南曲
曲百餘里又折向東百五十里有水東北自雜佛洛
巴顏喀喇達巴罕來注之又東七十里有七七爾哈
納苦苦烏蘇合諸水來注之又東有忒墨圖水自南
來注之又東折東南有小水自北來注之又南有小
水自南來注之又東南有小水自北來注之又南流
百七十里東北有小水西北有角拉克池水來會又
東南二百數十里入喀木境有水兩源自西北合而
來會始名布賴楚河又東南六十里依山麓折西南
流百四十里又東南流二百里經冲郭廟北有水自

敘州府志

卷七

水道

八

北來注之又東折而南二百里有水自東北來注之
少折而西南流二百餘里至里木山西南拉都格巴
東北有水合二水東南流來會又南三百里至達拉
呵達東越里拉達巴罕西又少折西南流二百餘里
至巴塘城西有水自東北合二水來會又南經巴塘
他拉西折西南流始名巴楚河折南而東稍北而南
而西南百數十里有水出巴河屯西重山中合三水
來注之又東南流百里有敦楚麻楚碩楚三河自東
北合注之又東南流有二水自東北來注之又東南
百數十里流入雲南麗江府西北邊界塔城關之東

又東南經巨甸汎橋頭汎東右受小水二又東南經石鼓汎北又受拉巴山水始折東北經阿喜汎北又東北經麗江府北境雪山之北曰金沙江始折而東南左受小水又南流經府東南有無量河北合里楚河諸水東自永北府來會又南一水東北自土順州來一水西北自鶴慶府來並會又南流折而西南又東南有枯木河出鄧川州東洱海合諸水來注之又東經賓川州北有三道河自西北合來注之稍東有蒼且河南自州城來注之又東流折而東南經姚州北境有一泡江西南自雲南縣來注之又東經大姚

敘州府志

卷七

水道

九

縣北有小水二南來注之又東北經苴卻營北山有大羅河出永北廳東境合諸水東南流注之又東三十里鴉礮江來會南岸雲南界北岸四川會川衛界也

鴉礮江

鴉礮江卽古若水一名瀘水又名打冲河源出西番裡塘城西北匝巴顏喀喇山東南流曰雜楚必拉又南流百里一小水自西山來注之又曲曲東南百餘里有二水北來注之又東流八十里有水自南山中三池東北流注之又東有小水北來注之又東南流

有水西南來注之又有水自巴顏禿馬達巴罕西來注之又東南有水南來注之又百數十里有水西北來注之又東南至巴顏喀拉巴林之南折而南流又東南百餘里有二水自西南合而來會又東流百餘里土人名爲匝楚七其拉哈納必拉折東南流有馬木齊齊爾哈納河自北合諸水來會又南稍東百五十里有謝楚河來會折西南有鄂宜楚爾古河自西來會又東南流百六十里有水東北自噶義哥拉嶺來會折西南流百七十里有水自西北來注之又南流八十里至馬拉木岡嶺東北地折東南百餘里又

西南七十餘里至濟渡處曰八拉馬朱蘇多渾卽喀木諸番東往打箭鑪販茶路渡在鑪西二百七里又西南百里曰鴉礮江南入四川瞻對界有小水自東北來注之南經安撫司西而南有三小水自東北來注之又南有霸泣河自東北合諸水來注之又南經喇滾司西有水東來注之又西南折東南有二水合自東來注之又南有二水俱自東北來注之又東南有打冲河自西來會故鴉礮一名打冲河折而東流鹽井河亦自西南來會折東曰三渡水又東有二水自北合注之又東受瓦尾山水折東經甯遠府西南

左右各受小水二折南流三百餘里左受一小水右受五水又東南有安甯河北自冕甯縣經甯遠府合諸水南流來會安甯河卽孫水漢書曰臺登縣孫水南流至會無入若水臺登今冕甯縣也折西南經烏喇猓果南會金沙江此江源遠不及金沙流盛相似亦大江一源也金沙江既會鴉礮水勢甚盛又東南流百餘里有大姚河西南來注之又東南有黎溪水北來注之又折南而東有龍川江西南自鎮南州經楚雄府定遠廣通合諸水來注之又東經武定府北境之白馬口南岸有和曲州水西南來北岸有會理

敘州府志

卷七

水道

七

州水北來並會又東北經獅子廠又東北有普渡河自滇池滙呈貢晉甯昆陽安甯富民祿勸諸水來會入四川東川府界又東北有玉虹河出會理州合數水注之又東數十里折北有會通河西北合諸水注之又北折東受小江又西北折東北有以禮河東南來注之又東北五十餘里折西北有牛欄江合諸水來注之又北三百餘里左右受數小水經烏蒙西北境馬湖府西南境

按江水至西昌縣與雷波廳交界處

以下北岸皆雷波屏山境

南岸皆雲南昭通永善境

有臭水河自西北來注之

雷波廳志源出西昌

沙碼土司界流至狍子村入金沙江狍子村廣袤百里為西昌雷波交界處又東南流

至狍子村東有大溜筒河注之雷波廳志源出西昌涼山夷界又

南流有西蘇角河注之雷波廳志源出蠻界左受水五右水三流至馬頸子

入金沙江水又經雷波廳西南有秦沙河注之又經

廳東有豆沙河注之其南岸次第受小水三又有

檜溪自永善南來注之又南流至雷波屏山交界

之大崖洞有鄧溪自蠻溪口注之並據雷波輿圖又北流

至屏山石角汎有西甯河合諸小水來注之雷波廳志

西甯河源出竹兒窠由濫壩子流出過西甯汎至屏山石角汎流入金沙江又名石角溪

折東北流二百七十里至蠻夷司南有馬湖水自西

敘州府志 卷七

水道

三

北來注之

原注馬湖西自黎州山東南受黃鐘溪東北受二

水又東北受芭蕉溪折東南有水北來注之又東

南有水北來注之又南入金沙江

通志江源引蜀水經云西甯河源出龍馬山為龍

湖南流為夷都溪又南經西甯隘又南受鄢溪又

東南受東興溪又受團魚溪瑪瑙溪什葛溪源出

小悍山東受芭蕉溪又南受神木山之黃鐘溪又

受楊村之瓜露水又東入西甯河

按蜀水經及水道提綱皆謂馬湖水入江即指

西甯河爲馬湖之下流考屏山雷波志皆不言西甯河與馬湖通馬湖在今雷波黃蠅所廣七里長二十里中有土山可居四百餘人其水流至海口下乾海子卽藏不見土人相傳屏山境冒水孔場水出孔中疑卽此水名勝記曰龍湖去大江二十里與江水同消長日夕作潮相傳有龍馬潛其中一名馬湖皆不言湖水入江也蜀水經謂石角溪入西甯河雷波志則合爲一水屏山志言石角溪入江又不言合西甯河芭蕉黃鐘兩溪皆不言入石角溪亦與蜀水經異

敘州府志

卷七

水道

七

蓋西甯河至石角汎受石角溪入江故亦稱石角溪蜀水經言其分雷波志言其合屏山志則文畧耳

折東南流三十里經平夷司南有大鹿溪自西南合二小水來注之

按屏山輿圖有大鹿溪大紋溪小紋溪皆自南岸永善界入金沙江在屏山西九十里

又東流六十里經悔泥溪司南

按悔泥溪在屏山南岸今屬永善縣舊有悔泥溪司

至府城南有三渡水自南來注之又稍東北流北岸受小水二南岸受小水一又東至安邊鋪南有橫江西南自烏蒙土府合諸水來會

原注橫江源出烏蒙土府東南龍洞山下之大湖西南迤延五十餘里西流折而北有二水自西南合而來會又北滙爲一湖經府西南又西北流有梁山水自西來會折東北流百餘里又北流曰撒油河經雪山東百餘里有一水自西南來一水合二溪自東南來曰各魁河並會又北流數十里有會通溪自西來會又折東北流經筠連高縣西境

敘州府志

卷七

水道

四

曰大紋溪有小紋溪自西來會又東北經慶符縣西境始曰橫江又東北九十里安邊鋪南北入金沙江此水源流曲折行五百餘里亦曰石門江

通志江源橫江源出永善縣東南龍洞山下大湖西北受白水白水亦名入匡河出貴州威甯州故烏撒地北又東北受撒油河又北受葛魁河又東受會通溪又東北經筠連縣西受大紋小紋二溪又經慶符縣西始曰橫江亦曰石門江又北入金

沙江

按水道提綱及通志所考橫江源流大畧相同

惟以橫江經筠連高縣界受大小紋溪則大誤考橫江自雲南大關廳流入宜賓界土人皆呼大關河與大紋溪小紋溪相去甚遠明統志大紋溪在平夷長官司南小紋溪在平夷長官司東十里二溪俱源出烏蒙至鐘灘流入馬湖江以今屏山縣地圖驗之皆合是明志原自不誤通志紋溪下既云入馬湖江並引明志於前又云按輿圖小紋溪在北大紋溪在東皆流入橫江與舊志異是爲輿圖所惑而不能訂其謬也考橫江上流有螃蟹溪銅鼓溪兩灣溪廟子溪

石堰溪大魚孔小魚孔磨刀溪並無大小紋溪名目通志及齊氏注當是大小魚孔之誤又按筠高慶三縣在橫江之右中有接界處大小紋溪在橫江之左相距百餘里卽令橫江兼受二溪亦當折入永善界何至入筠高界乎至謂橫江一名石門江亦不確石門山在慶符爲符黑水所經故有石門江之目橫江既不經此山何以亦有是稱或覽輿圖者徒見石門山在兩水之間遂誤屬之橫江耳

敘州府治宜賓縣西南境也又東北八十餘里經府

城南岷江自西北來會會口在城東數里

按會口在府城東南合江門外僅數十步耳

其南有來復渡水自西南來注之

前漢地理志犍爲郡南廣下汾關山符黑水所出
北至犍道入江又有大涉水至符入江過郡三行
八百四十里

水經江水篇東南過犍道縣北注江水又與符黑
水合水出甯州南廣郡南廣縣導源汾關山北流
有大涉水注之水出南廣縣北流注符黑水又北
逕犍道入江謂之南廣口

敘州府志

卷七

水道

六

按大涉水不入符黑水遵義鄭氏辨之甚詳今
錄於左

遵義府志水道赤水條原按符黑水大涉水在
漢志判然二流入江則一在犍道一在符顯爲
別白自酈氏注水經始牽混大涉水入符黑水
後之考赤水者不敢與酈氏相違而不知其實
與漢志戾也今考漢南廣境內之水符黑水流
至慶符縣入江其流甚短故班志不著里數惟
赤水出鎮雄經永甯畢節仁懷至合江縣入江
首尾將千里在漢爲出犍爲經牂柯復入犍爲

漢志言大涉過郡三行八百餘里舍此水別無足當者則大涉水爲今之赤水無疑

曾受一符黑水辨漢志犍爲郡南廣下汾關山符黑水所出北至夔道入江水經注稱入江處謂之南廣口詢之珙人無有知符黑水爲何水南廣縣爲何地者既而閱四川通志載南廣廢縣在珙縣西南南廣縣既得而符黑水於是乎可得矣考縣屬惟兩水而至夔道入江謂之南廣口惟羅星渡水則茲水之爲符黑水無可疑也常數過其地實有兩源一從羅星渡上水車

敘州府志

卷七

水道

七

壩數石洞中出其支流也一從川滇接壤之汾關山出其經流也二流之大幾相等漢志但記其出汾關山者以其脈絡可尋若出水車壩石洞中者其來源不可得而見故畧之也今汾關山半爲滇之鎮雄地半爲川之永甯地山之分屬於他處已久而其初實在漢南廣域中以久不屬珙故珙人亦并不知有汾關山也予讀禹貢既詳攷三黑水又得漢志之符黑水其源流派別皆各不同而珙人罕有知者故詳爲之辨

按南廣爲敘南六縣門戶六縣之水或出江安或出南廣出江安者以清水爲大出南廣者以符黑水爲大符黑水自鎮雄界發源流入四川境有興文之龍井溪繞建武城東合魚井水注之自曹家營入珙縣界與水車壩之別源合北流至羅星渡有彝川溪合數小水注之至上羅有上羅壩水注之又有冷水河自高珙交界處注之西南流至平寨有德邁河自北來注之西北至高縣更名復甯河有宋江自黃水口來注之又有筠連之定川溪北來注之自入慶符界

敘州府志

卷七

水道

六

過石門山又名石門江有賈村溪來復渡水次第注之至月口場有沙河水自沙河驛來注之自此東北流四十里出南廣口據珙縣志圖說

大江自敘州府城東北流有福溪北來注之

原注福溪出富順縣西南境山南流約百數十里至府東北境折東南入江

南溪縣志彝溪卽福溪發源宜賓縣高洞鄉南流六十里繞縣西北經黃沙河石骨灘至茹溪合大

江

按福溪在今李莊鎮對岸下十里舊通志謂彝

溪與九盤溪合流是爲青衣水誤詳後青衣水辨論

又按江水過此又南受九索子溪南溪縣志源出本邑鳴鳳山經胡家灘行三十餘里入江通志載九盤溪在縣南三十里源出長甯縣鐵頂寺北流四十里與焚溪合由青衣江入大江卽此水之誤蓋九索子溪在南岸九盤溪在北岸也

又東北經南溪縣西南有桂溪自西北來注之

原注桂溪出南溪縣西北山東南流至縣城西南

敘州府志

卷七

水道

九

入江

南溪縣志桂溪發源本邑高熊里之牛角寨一由千坵塆一由龍頭舖至雙溪橋二水合流經桂溪橋斜繞至城西會大江

按江水過此有大溪合九盤溪注之

南溪縣志源出本邑高熊里與穿底壩水滙於龍灘口繞開元寺山脚又合九盤溪屈曲旋轉歷五十餘里至東關外里許入大江

又東數里折南流中有巨灘又南十數里有小灘又折東流有安甯江西南合珙縣長甯興文諸水來注

之

原注南溪縣西江心有石笋灘其東一巨灘當江流曲處銅鼓灘也又南十數里又有石灘當江安縣之西北灘南卽安甯河口河口之東卽江安城安甯河卽綿水珙縣西南珙溪其一源也東北流百餘里至安甯鎮南有長甯縣西二水至縣北東北流合東南來一水又東北合興文縣西北流之一水又北至鎮南來會經梅嶺西又東北百餘里至江安城西北入江興文縣水卽三渡河南出入望山北流者

按長甯興文珙縣之水出江安者以清水爲大清水有三源曰東溪曰西溪曰桃源溪三溪合流至清井監名清溪至武甯塞爲武甯溪至安甯橋爲安甯溪至江安境爲綿水以晉立綿水縣在江安境也安甯溪之上流又受珙水源出珙縣南落浦洞一名落浦河石多似玉水因以名由珙縣下流經師子灘入長甯界合清溪又受思晏水源出興文縣晏峯山上流合大龍洞水螺師寨水下流爲水車河梅嶺河至江安城西北入江

東經江安城北折東南流有怡樂溪自西南來注之
又折而北十數里有上下二溪自北來注之又折而
東二十餘里有清溪水自南來注之又東北流有二
巨灘北受小溪水又東北經納溪縣西有納溪自永
甯衛來注之曰納溪口又北有小水自東南來注之
又北折東北流經瀘州城南而東沱江合諸水自西
北經州城北而東南來會

中水

纂段大令
中水考

蜀之中水自漢州歷金堂簡資內江富順至瀘州入
於岷江之水也岷江自重慶府上敘州嘉定二府爲

敘州府志

卷七

水道

三

外水涪江自合州上遂甯潼綿爲內水中水介其間
故曰中水庾仲雍曰江州縣對二水口右則涪內水
左則蜀外水酈道元水經注曰綿水至江陽縣方山
下入江謂之中水晉書曰劉裕伐蜀從外水取成都
從中水取廣漢從內水取黃虎皆中水之名見於傳
記者中水之源有三曰湔曰綿曰洛漢書地理志曰
蜀郡綿虜縣玉壘山湔水所出東南至江陽入江綿
虜縣者今保縣是也江陽縣者今富順縣瀘州是也
地理志又曰廣漢郡雒縣章山雒水所出南至新都
縣入湔綿竹縣紫巖山綿水所出東至新都北入雒

雒縣者今漢州是也綿竹縣者今綿竹縣是也今茂州牛心山之水東南合什邡縣綿竹縣德陽縣新都縣漢州諸水逕金堂縣簡州資陽縣資州內江縣富順縣至瀘州入江左太沖所謂浸以綿雒常道將所謂郫膏腴綿洛浸沃者咸在是金堂縣及簡州在漢晉爲牛鞞縣地資陽縣資州內江縣在漢晉爲資中縣地其水隨地易名在新都曰新都江華陽國志曰牛鞞縣受新都江是也在金堂簡州曰牛鞞江華陽國志曰資中縣受牛鞞江水經注曰洛水又逕犍爲牛鞞縣爲牛鞞水是也在資州內江曰資江沈約

敘州府志

卷七

水道

三

宋書曰資江爲中水涪江爲內水是也漢志曰湔水入江常氏酈氏曰洛水入江說各互異以下流互受通稱也元和志謂之中江北周中江縣在今內江縣地隋諱忠之嫌改內江而宋時又於潼川置中江縣矣至若或謂之沱江則以嶓江自灌縣分流而達於漢州之洛水合於尙書東別爲沱也或稱沈犀河犀牛河則援引李冰故事名之也在今富順縣者自龍門陣入縣界一百二十里至縣治之南又屈曲一百三十里至大磨子入瀘州界

水經注江水篇言洛水源流於洛水逕洛縣故城南

逕新都縣逕犍爲牛鞞縣又東逕資中縣之下曰又逕漢安縣謂之綿水也於洛水至江陽縣方山下入江江陽縣枕帶雙流據江洛會之下曰江水逕漢安縣北考漢安故縣在今江安縣在嶠江之南洛水安得越江陽絕嶠江而逕漢安縣且酈氏上文旣云洛水逕新都縣綿湔二水俱與洛會不得歷牛鞞資中兩大縣而又氏以綿水且漢安縣在江陽縣上游不得於江陽據江洛會之後言江水逕漢安縣尋討其文蓋不學者不能推求文義覈徵地形見有可疑妄爲竄改耳今爲考定其次第而注之

敘州府志

卷七

水道

三

水經江水篇曰又東過江陽縣南洛水從三危山過

廣魏作水經者蓋魏人故廣漢郡之洛縣也漢曰廣魏漢甯曰魏甯洛縣廣漢郡之洛縣也漢曰廣魏漢甯曰魏甯

南東南注之注曰洛水出洛縣漳山漢書地理志曰廣漢郡雒縣有

漳山雒水所出今本水經注作漳山誤也漢之雒縣在今漢州亦言出梓潼縣柏山

此酈氏廣載異聞也漢梓潼縣在今梓潼縣山海經曰三危在燉煌南與

嶠山相接山南帶黑水又山海經不言洛水所道經

曰出三危山所未詳玉裁按山海經中山經曰嶠山之首曰女几之山洛水出焉東

流注於江酈氏云不言洛水所道誤矣女几蓋卽玉壘音相近也漢志云湔出玉壘入江以湔爲經流山

海經以洛爲經流水經三危亦卽玉壘三爲玉之譌形之誤危爲壘之譌聲之誤亦以洛爲經流蜀都賦

注曰玉壘山在成都西北岷山郡界常璩云李冰導今保縣玉壘山是也或言在灌縣非

洛通山水流發暴口

洛通山名在今什邡縣蓋即漢志之章山也華陽國志蜀志曰

李冰又導洛通山洛水或出瀑口經什邡郫別江會新都大渡逕什邡縣漢高帝六

年封雍齒為侯國王莽更名曰美信縣也

漢之什邡縣在今什

邡縣史記漢書作什邡方說文解字作什邡洛水又南逕洛縣故城南

云洛縣故

城者當酈氏時洛縣城非作經時故處故經曰廣漢洛縣南注曰洛縣故城南也

廣漢郡治

也華陽國志蜀志曰漢高祖之為漢王也發巴渝之

士北定三秦六年乃分巴蜀置廣漢郡於桑鄉王莽

之就都縣曰廣信也

漢地里志曰廣漢郡莽曰就都洛縣莽曰吾洛廣漢縣莽曰廣

信酈氏廣信二字當作吾雜

漢安帝永初二年移至涪城

謂移郡治於涪

縣也漢之涪縣在今綿州後移

依華陽國志補此字

洛縣先是洛縣城南每

敘州府志

卷七

五

陰雨常有哭聲聞於府中積數十年沛國陳寵為守

以亂世多死亡暴骸不葬故也乃悉收葬之哭聲遂

絕

陳寵字昭公事本東觀漢記

劉備自將攻蜀龐士元中流矢死

於此益州舊以蜀郡廣漢犍為為三蜀

言此三郡為三蜀也今本

犍為下脫一為字

土地沃美人士雋又為一州稱望縣有沈

鄉疑即上文之桑鄉桑沈古音相近後漢書郡國志曰廣漢有沈水華陽國志蜀志作沈鄉序志又言

汎鄉侯

公江七里姜士游之所居

華陽國志曰有孝子姜詩田地序志

日孝子江陽符長姜詩字士游今水經注作江士游誤

士游名詩

四字原

詩至

孝母好飲江水嗜魚膾常以雞鳴滂流汲江子坐又

水溺死

此句有

婦恐姑知稱其游學

姜詩妻事見後漢書烈女傳其

子後因遠汲溺死妻恐姑哀傷不敢言而托以行學
今本水經注曰稱詩游學是詩溺死也豈得謂至孝
上通且又何以拜郎中除江陽令且婦人可隱子死
而不可隱夫死且使詩子之孝湮沒一字之譌而害
義殊甚今從范書正其文曰其子又冬夏衣服實投
因遠汲溺死婦恐姑知稱其游學

江流於是至孝上通洞泉出其舍側而有江之甘焉

詩有田濱江澤當作滄泉流所溉盡為沃野又涌泉

之中旦旦常出鯉魚一雙以膳焉可謂孝悌發於方

寸徽美著於無窮也洛水又南逕新都縣漢新都縣在今新都

縣蜀有三都謂成都廣都此其一焉語本華陽國志與綿水

合水西出綿竹縣漢綿竹縣在今綿竹縣地志曰廣漢郡綿竹縣紫巖山綿水所出

紫巖山在今縣北三十里綿水出焉謂之綿堰口東南九十里抵羅江西德陽東界蜀都賦注亦曰綿水

敘州府志 卷七 水道 五

出綿竹縣在紫巖山華陽國志曰綿水出紫巖山又與湔水合亦謂之郫江

也玉裁按地里志蜀郡綿竹縣玉壘山湔水所出東南至江陽入江過郡三行千八百九十里漢綿竹

縣在今保縣過郡三者蜀郡廣漢犍為也華陽國志蜀志曰綿竹縣有玉壘山出璧玉湔水所出鄭氏篇

首注云江水逕汶江道又有湔水入焉水出綿竹道之玉壘山下注江故此不言湔水所出也江水合湔

水於綿竹縣東別為沱歷都安縣李冰作大堰於此謂之湔壩堰其右檢其左其正流遂東謂之郫縣也

又言是洛水此郫江湔水洛水會合之地宋本又言是洛水今本又言是洛水皆有譌脫

呂忱曰一曰湔此句亦有譌脫當即前注所引然此

疑此二水謂綿水俱與洛會矣洛水又逕犍為牛鞞

縣為牛鞞水上文什邡雒縣新都皆屬廣漢郡此下牛鞞資中江陽皆屬犍為郡漢牛鞞縣

在今簡州洛水在新都縣曰新都江在牛鞞縣曰牛鞞江皆見常璩蜀志而李志又曰李壽許自牛鞞以

東土斷與閩是以此水分界為洛水之通稱不獨在牛鞞縣稱牛鞞水也今本脫四字作又逕犍為牛鞞水文理不備從四川志所引補正昔羅尚乘牛鞞水東征李雄謂此

水也縣以漢武帝元封二年置謂牛鞞縣也華陽國志蜀志曰元鼎二年

置又東逕資中縣漢資中縣在今資陽縣又逕江陽縣此五字今

洛水由內江縣流入富順縣北逕縣治之南西流二十里至鎮溪口納榮溪水屈而東流百三十里入直隸瀘

州界自上諸縣咸以溉灌故語曰綿洛為浸沃也今

本譌為沒字自上諸縣之上今本缺又逕江陽縣五字誤衍又逕漢安縣謂之綿水也十字漢安縣在江

南今江安縣納溪縣也資中縣今資陽縣資州內江縣也江陽縣今富順縣直隸瀘州也皆在江北資中

與江陽南北接連其中絕無漢安縣地華陽國志曰綿水入洛東流過資中會江陽自水經注傳寫譌誤

四川通志乃以今內江縣為古漢安縣其誤蓋本於此一

敘州府志 卷七 水道

陽國志曰蜀人稱郫縣曰膏腴綿洛為浸沃蜀都賦注曰益州之有綿雜猶揚州之有五湖故曰浸以綿

也江水自夔道東逕漢安縣北川舊志所引水經注

補正俗本誤以江水逕安漢縣北七字為經接子安

之操之下上文皆言洛水此言江水自夔道東逕

漢安縣北者遠承江水逕夔道縣合若水淹水符照

水而言也漢安縣前漢志作漢陽縣後漢志作漢安

縣在今江安縣俗本又與綿水合水出漢安縣西三

誤作安漢縣非也

源合流謂之綿水也東北流徑其縣北入江謂之綿

水口此三十四字參考補缺○綿水有三源者即今

崖山又有西溪發源越王山流與桃源溪合桃源溪亦名冷水溪發源筆架山三溪至清井合流名清溪亦名三江口又東北至武甯寨為武甯溪又東北至安甯寨為安甯溪又東北至江安縣界四川志曰清溪在直隸瀘州江安縣西自長甯縣經安甯橋流入縣界合綿水至縣西北隅入江曰綿水至玉裁按安

敘州府志

卷七

水道

三

也土地雖迫山川特美好宜蠶桑鹽井魚池家有焉

今本不可讀此從華陽國志補正江陽郡治也故犍為枝江都尉治

此字建安十八年劉璋立漢書地理志曰犍為郡漢

書脫枝江二字華陽國志曰江陽郡本犍為枝江都

尉建安十八年劉璋立江陽郡以都尉成存為太守

蓋以都尉治為郡治故即以都尉治為太守也三國蜀

志法正子邈官至漢陽太守蓋郡治在前漢漢陽縣

地故江陽太守亦稱漢陽太守晉時移郡治於江陽

故常璩曰江陽縣郡治○自江水逕漢安縣北至此

今本移子安之操之下今考四川舊志引水經注曰

江水自樊道東經漢安縣北又東經江陽縣南洛水

注之又東經樊口灘又經大附灘類歷二險又江水

東至符縣於地形不誤知舊志所見乃古本與洛水

又東逕江陽縣南此九字從四川舊志補與洛水

合此四字洛水作綿至江陽縣方山下入江曰中水

今補四字洛水作綿至江陽縣方山下入江曰中水

口曰中水口者以庾仲雍謂江州縣對二水口右則涪內水左則蜀外水定此水為中水也今本日中水之上有謂之綿水口五字江陽縣枕帶雙流據江乃江水徑漢安合綿水殘句

洛會也漢景帝六年封趙相蘇嘉為侯國江中有大

門小門焉季秋之月則黃鱗魚死漚也華陽國志曰江中有大關

小關季春黃龍堆沒關即平昔世祖微時過江陽縣有一子望氣

者言江陽有貴兒象王莽求之而掠殺之後世祖怨

為子立祠謫其民罰布數世華陽國志曰江陽有貴兒氣王莽求之而縣人

殺之世祖謫其民不使冠帶者數世揚雄琴清英曰尹吉甫子伯奇至

孝後母譖之自投江中衣苔帶藻忽夢見水仙賜其

美藥一作奏樂惟養親揚聲悲歌船人聞之而學之吉甫

敘州府志 卷七

水道

天

聞船人之聲疑似伯奇援琴作子安之操鄺氏著書多浮文妨

要此節不言江陽交涉疑他篇脫誤在此而晚近遂以瀘州為尹吉甫故里建清穆堂王伯厚困學紀聞

辨其非是也江水東逕樊口灘今本作樊石灘未知孰是又逕大附灘

此十二字今類歷二險也本誤作經文

附禹貢錐指黑水考

梁州之黑水自繩若而外又有五黑水焉漢志符

黑水出犍為南廣縣汾關山北至棘道入江一也

符黑水者符縣之黑水也一名南廣水水經注黑水出漢中南鄭縣

北山南流入漢諸葛亮牋云朝發南鄭暮宿黑水

二也又黑水出羌中西南入白水通輿扶州尚安

縣有黑水元和志云出縣西北素嶺山三也

在今陝西

文近志疊溪營城西北有黑水即古翼水源出黑

水生番東南經茂州至安縣入於羅江四也又崇

慶州西北有黑水入江元大一統志云源出常樂

山溪石皆黑五也此皆水之小小者非禹貢之黑

水也杜氏云顧野王撰輿地志言黑水至熨道入

江與禹貢不合蓋謂其不入南海是為異耳而薛

士龍以為野王指符黑水言之今顧書不傳未知

然否按南廣水在敘州府城東十餘里出西南夷

呂郤蠻部自豕蛾夷國過慶符縣東北至南廣洞

敘州府志

卷七

水道

无

入江源短而流狹野王之所指豈謂是與韓汝節

謂梁州別自有黑水千古卓識而乃以疊溪黑水

當之將以界南北乎抑以界東西乎吾不意韓氏

復舛謬至此也

蜀輶日記黑水考

馬湖江即禹貢梁州之黑水其上游大水有三曰

打冲河曰瀘水曰金沙江也打冲河蠻名黑惠江

又名納葵江又曰鴉龍江其水洶湧衝擊故以打

冲為名源出西番界在黃河源之山南地名查楮

必拉蒙古謂之七察兒哈拉至瞻對入四川界南

至烏喇獐獐卽今雲南大姚縣之左卻鄉而與金沙江會瀘水源出漢沈黎郡之西旄牛徼外西番境謂之可跋海周七十餘里東流至越嶲廳舊建昌司之南十里其地有瀘山瀘沽烏蠻所居又南流至會理州東接雲南之武定州境與金沙江會金沙江源出西藏衛地之巴薩通拉木山爲岡底斯東麓岡底斯崑崙祖山也其東麓卽古犁石山水曰犁牛河番名木魯烏蘇河收納烏藍木倫阿克達木畢拉枯枯烏蘇等河凡數十水曲折四千餘里至塢城關入雲南麗江府境曰麗水又名金

敘州府志

卷七

水道

三

沙江以水產金沙也東南逕姚安境與打冲河合又東歷武定境會瀘水於是金沙亦兼瀘水之稱又稱馬湖江又東流逕昭通府至敘永廳入四川界卽馬湖府舊治又北至宜賓入江計金沙發源在黃河源之西千五百餘里在岷江源之西二千八百餘里凡行六千七百餘里與岷江會實川滇黔中間第一大水而禹貢不載水道提綱以此爲大江真源酈注謂馬湖古若水也愚按山海經曰黑水之間若水出焉盧者黑色加水爲瀘而金沙稱麗麗同驪亦黑也源出犁石犁亦黑也曰烏蘇

番語亦黑也然則瀘與金沙皆古黑水打冲界其間則若水也三水既會皆可稱瀘皆可稱馬湖又有繩孫淹鮮諸稱實皆黑水耳源遠流長故禹貢舉以界梁州之南境也至黑水之說不一酈道元孔穎達杜佑皆言在張掖南至燉煌過三危山南流入於南海不知中國之山皆祖岡底斯一支由于闐羌南起巴顏哈喇至積石以逮西強而爲終南此中幹也一支由諾莫渾烏巴什起卓爾長山至塢城關以逮雲嶺而入黔粵此南幹也河在中幹之北海在南幹之南江在兩幹之中黑水果經

敘州府志

卷七

水道

三

燉煌當積石東北縱能絕河而南亦斷不能越中幹以絕汪洋况能越南幹以入海哉竊謂禹貢言黑水有三一雍一梁一至三危入於南海本非一處亦猶雍有沮水兖又有沮水梁有蒙山徐亦有蒙山不必強合爲一也梁州之黑水自在馬湖所收黑惠麗瀘諸大水皆因黑取義且與華陽南北相對地界截然至雍州之黑水本在張掖境經黑山下西入青海正雍州西界也其入南海之黑水樊綽蠻書以爲有四曰西珥曰區江曰瀾諾其一麗水卽禹貢黑水夫麗卽金沙何嘗入南海樊蓋

誤以瀾滄爲麗水下流也按瀾滄卽瀾諾出自藏
衛李元陽以爲卽黑水然亦於三危無涉程大昌
又以滇珥爲黑水謂與葉榆澤相貫且地近岩昌
本三苗種裔與三苗之敘於三危相應此說較善
然滇珥池瀦弗流入南海愚意應以唐蒙所見
牂柯江當之牂柯出烏撒一名盤江在南幹山脊
之南面其水繚繞於雲貴之境以達廣西爲左江
至潯州北會犁平都勻定番之水爲右江逕梧州
會灘江至番禺入南海此水在嶺南最大盤廻四
省長四千餘里正入南海粵人謂之黔水以其出

敘州府志

卷七

水道

三

自黔中也黔之爲名自係因黑取義且苗疆也禹
貢或因三危之遷而名其舊地耳按水經注過江
陽雒水從三危山東南注之是三危不止燉煌一
處也聊備一說俟博雅者正之

青衣水辨譌

〔寰宇記〕青衣水在縣南一里四步從熒道東流至
縣界多稜口又東至瀘州綿水縣地名龍騰溪
名勝志青衣蜀中見者凡三其一在漢嘉者卽大
渡河所經漢書公孫述僭據青衣人不賓是也其
一在青神者以蠶叢青衣而教民農事人皆神之

是也其一在當縣以古有青衣國慕義來賓者因以名焉

〔舊通志〕今有九盤溪在縣南三十里源出長甯縣鐵頂寺北流四十里與熨溪合熨溪源出下界石牌頭下流二十里與九盤溪合二水合流是爲青衣水又北入江謂之青衣江口在縣東二里

通志原按水經青衣水出青衣縣漢青衣縣爲今雅安蘆山地武帝罷沈黎郡置兩都尉一治旄牛主外羌一治青衣主漢民是水由蘆山厯雅安入洪雅界又東南入夾江又東至樂山縣

敘州府志

卷七

水道

三

西合於陽江卽大渡河下流也漢安帝延光元年青衣王子心慕漢制上求內附帝陽嘉二年改郡名曰漢嘉以此而明統志乃云南溪縣南二十里有溪源出下界石牌頭下流與九盤溪合是爲青衣江此舊志所本舊志又云古青衣國與敘州相鄰其人見漢衣冠求內附江因以名則又附會名勝志之說也寰宇記謂青衣水至綿水縣地名龍騰溪綿水縣卽今江安地並無龍騰溪南溪縣有龍騰山亦無龍騰溪之名不知樂氏何以致誤且南溪距蘆山可千里彼

濛沫諸水於樂山三江口入岷江直下南溪卽不可仍濛沫諸水之舊名則是水之不可名青衣也審矣而謂有三青衣可耶又蘇軾詩想見青衣江畔路注謂在青神中巖下一名平羌水中巖距三江口且六七十里非青衣水所經又云宜賓縣南五里青衣江有兩石夾江對立二說者並不可信

南溪志原按舊志云九盤溪在縣北縣南無九盤溪之跡據舊通志云源出長甯北流與夔溪合而夔溪又在縣西四十里縣南長甯之水又

何能與夔溪合其說甚辯其後又云以今考之夔溪在今縣西大江北水南流入江下游十餘里對岸有三江磧在大江南水北流入江其源自長甯鐵頂寺來北流四十里出三江磧磧在今縣西南三十里意卽古青衣水也舊通志云在縣東十五里者蓋據古南廣縣今之李庄鎮言之也其云與夔溪合者蓋與夔溪對岸同合大江也舊志之言如此則歧路之中又有歧矣不可不辨考三江磧在李庄對岸桂輪山之上與夔溪同在江北並不在江南且在夔溪之上

並不在夔溪之下而江南有源之水僅鳳鳴山
一處約行三十里由九索子入江亦非長甯鐵
頂寺發源之水又安能將就牽合謂三江磧在
今縣西南三十里鐵頂寺之水由此入江卽指
爲古青衣水也如古青衣水果由三江磧入江
三江磧在今李庄鎮卽古南廣縣治對岸之西
亦非縣東十五里也

存水辨譌

〔水經存水篇〕存水出犍爲郁郾縣東南至鬱林定
周縣爲周水又東北至潭中縣注于潭

敘州府志

卷七

水道

七

〔遵義府志〕牂柯十六縣問答水經存水極有誤
處按郁郾今四川敘州府地潭中今廣西柳州
府地由敘州東至柳州中間赤水烏江兩大水
皆自南趨北敘州之水焉能絕出廣西前漢志
止言定周水首受無斂不言出郁郾其犍爲郡
郁郾下亦不言有水水經出郁郾句當作存水
出牂柯無斂縣自水經有此誤道元強以諸書
附合愈軼轉難解矣

按通志敘州府山川及宜賓縣志皆有存水並
引水經存水出犍爲郁郾縣又云縣西北百六

十里有郁鄆灘是直謂郁水爲自宜賓入江之水矣今刪正

中水入江辨譌

今水經資江一名中江源出汶山自洛口分支經

漢州及新都縣東流入簡州資縣界過內江縣西

五里經富順縣瀘州城北支江來注之支江源自富順縣鴛

鴛溪經安夷鎮過瀘州城北入於資江資江至合江縣界入於岷江

按中水自瀘州城北入大江距合江境尚遠自

合江縣入江者乃赤水源出雲南鎮雄州西北

經四川永甯折入貴州畢節仁懷境至合江縣

入江與中水遠不相屬今水經誤以赤水爲中

水矣又富順縣志石鹿溪在縣南七十里發源

江安至懷德鎮入雒水通志謂之支江雒水乃

資江也此云支江過瀘州城北入資江亦誤

又按漢志南郡枝江縣以荊州沱水得名華陽

國志江陽郡下云本犍爲枝江都尉雒水卽梁

州沱水亦宜有枝江之目然則今之資江卽漢

之枝江與枝與支本通石鹿溪源流甚短不足

以當支江之名矣